

مجموعه ابو الضیاء

ماسوا شایسته شدن دلی تطهیر و پالاش
بر تو حکمت و عرفان الهی توره آتش

علوم و معارفدن بحث ابدی. و هر ماه عربی ابتدا سیه اون بشده نشر اولور مجموعہ درین

عدد ۲۳ - جلد ۲ [۱۵ شعبان سنہ ۱۲۹۹] [نصفہ سی ۳۱ عروش]

لوندرد شهرینه دائر بعض معلومات

شهر مذکورك طولی شرقدن غربه طوغری اولوق اوزره ۲۶ كيلو متره وعرضی دخی تقریباً ۱۲ ایله ۱۳ كيلو متره آره سنده در . مساحت سطحیه سی دخی ۳۴۰۰۰ هکتار یعنی استحکامات ایله محاط اولان پارس شهرینك یدی مثلی جسامتده در .

۴ میلیون یکر می بشیک سکز یوز نفوسدن عبارت اولان اهالیسی ۲۳۰۰۰ سوراق دروننده پتسوت ایتمکده در . بوسوقاقلر اوج اوجه کتیرملک لازم کلسه ۱۰۰۰۰ كيلو متره ملک برطول حاصل اولور که لوندرددن هند دکزنده واقع سیلان آطه سنک پوانت دوغال شهرینه قدر اولان مسافه یه مساویدر .

لوندردده سنوی ۱۰ میلیار ۴۰۰ میلیون انگلیز قدمی مکعبی غاز صرف ایدیلیر؛ ومقدار مذکورك بر میلیار درت یوز میلیون قدمی اسباب مختلفه ایله ضایع اولمقده در . شهر مذکور دروننده ۱۰۰۰ قدر کلیسا ومعابد سائره ایله ۴۵۰۰ بیرا خانه موجوددر .

ملاحظات حکیه .

دوستلغه ناموس وحقیقتیدن ماعدا هرشی فدا اولنه بیلیر .

تنبیلك كافه ذمائم اخلاقك مولدی اولدیغی جهتمسله آندن نه قدر اجتماع ایدلسه بمجادر .

ایش ایشلیان آدم هر فتالغی یاغمه حاضر در .